


困學紀聞


四

周禮

862  
15  
15









862-15

困學紀聞卷之四

○周禮

浚儀

王應麟伯厚甫



漢河間獻王得周官而武帝謂末世瀆亂不驗之書

唯太宗夜讀之以為真聖作曰不井田不封建而

欲行周公之道不可得也人君知此經者太宗而

已劉歆始用之蘇綽再用之王安石三用之經之

蠹也唯文中子曰如有用我執此以往程伯子曰

必有關雉麟趾之意然後可以行周官之法度儒

者知此經者王程二子而已





漢志謂之周官經序錄云劉歆始建立周官經以爲周禮意者周禮之名昉此乎然後漢書云鄭衆傳周官經後馬融作周官傳授鄭玄玄作周官注猶未以周禮名也隋志自馬融注已下始曰周官禮

隋志三禮目錄一卷鄭玄撰今見于釋文

五峯胡氏曰周官司徒掌邦教敷五典司空掌邦土居四民世傳周禮闕冬官未嘗闕也乃冬官事屬之地官程泰之云五官各有羨數天官六十三地官七十八春官七十夏官六十九秋官六十六蓋斷簡失次取羨數凡百工之事歸之冬官其數乃

周俞庭椿爲復古編亦云司空之篇雜出於五官之屬九峯蔡氏云周公方條治事之官而未及師保之職冬官亦闕首末未備周公未成之書也

考工記或以爲先秦書而禮記正義云孝文時求得周官不見冬官一篇乃使博士作考工記補之馬融云孝武開獻書之路周官出於山巖屋壁漢書謂河間獻王得之非孝文時也序錄云李氏上五篇失事官一篇取考工記補之六藝論云壁中得六篇誤矣齊文惠太子鎮雍州有盜發楚王家獲竹簡書青絲編簡廣數分長二尺有得十餘簡以



示王僧虔僧虔曰是科斗書考工記周官所闕文也漢時科斗書已廢則記非博士所作也易氏云考工記非周書也言周人上輿而有梓匠之制言周人明堂而有世室重屋之制言溝洫澮川非遂人之制言旂旗旗旒非大司馬司常巾車之制賦周典大不類

禮器經禮三百鄭氏注謂即周禮三百六十官漢志禮經三百臣瓚注云周禮三百是官名也禮經謂冠昏吉凶蓋以儀禮為經禮也朱子從瓚說謂周禮乃設官分職之書禮典在其中而非專為禮設

也

鄭康成釋經以緯書亂之以臆說汨之而聖人之微指晦焉徐氏微言謂鄭注誤有三王制漢儒之書今以釋周禮其誤一司馬法兵制也今以證田制其誤二漢官制皆襲秦今引漢官以比周官小宰乃漢御史大夫之職謂小宰如今御史中丞如此之類其誤三鶴山謂以末世弊法釋三代令典如下以漢筭擬邦賦以莽制擬國服止齋謂以周禮為非聖人之書者以說之者之過也張禹以論語文其說劉歆以周官文其姦猶以詩禮



發冢也禹不足以玷論語而以歆些周官可乎西

日歆之王田安石之泉府直竊其一以自蓋爾

易氏總義云府史胥徒通典總言其為六方三千六百七十五員內二千六百四十三人外諸侯國官六方一千三十二人此乃官數非謂府史胥徒也

嬪御奄寺飲食酒漿衣服次舍器用貨賄皆領於冢宰冕弁車旗宗祝巫史卜筮瞽侑皆領於宗伯此周公相成王格心輔德之法周之興也勝侯為卜正呂伋為虎賁氏侍御僕從罔匪正人左右携僕

庶常吉士及其衰也昏椽靡共婦寺階亂膳夫內史趣馬師氏締交於嬖寵瓊瓊婣亞私人之子竊位於王朝至秦而大臣不得議近臣矣至漢而中朝得以詘外朝矣至唐而北司是信南司無用矣由周公之典廢也間有詰責幸臣如申屠嘉奏劾常侍如楊秉官中府中為一體如諸葛武侯可謂知宰相之職者唐太宗責房玄齡以止明營繕何預君事豈善讀周禮者哉我朝趙普於一薰籠之造亦制以有司之法李沆於後宮之立奏以臣沆不可趙鼎於內苑移竹責官者罷其役庶幾古大臣





之風矣五峯乃謂周公不當治成王燕私之事殆未之思也

李泰伯曰內宰用大夫士世婦每公卿二人皆分命

賢臣以參檢內事漢世皇后詹事以二千石為之猶有成周遺意

漢食貨志太公為周立九府圜法顏師古注周官太

府玉府內府外府泉府天府職內職金職幣皆掌

財幣之官故曰九府愚按爾雅醫無閭之珣玕琪

會稽之竹箭梁山之犀象華山之金石霍山之珠

玉崑崙之璆琳琅玕幽都之筋角片山之文皮岱

岳之五穀魚鹽是謂九府五峰胡氏皇王大紀所

述與爾雅同而繼之曰尚父立圜法輕重以銖通

九府之貨又按史記列傳吾讀管氏輕重九府劉向

別錄曰九府書民間無有索隱謂其書論鑄錢之

輕重鹽鐵論文學曰管仲設九府傲山海通典亦

云太公立九府之貨然則九府太公立之管仲設


之其名列于爾雅蓋即管氏書也大紀之說得之

顏注恐非曲禮天子之六府亦與大禹謨之六府異

九嬪注引孔子曰日者天之明月者地之理孝經援

神契之言也何休公羊傳序引孔子有云吾志在

春秋行在孝經孝經鉤命決之言也漢儒以緯書





孔子所作

康成注中庸亦引孔子曰吾志在春秋行在孝經

宮伯掌王宮之士庶子漢諸侯子入宿衛齊王之弟章是也入京師受業楚王之子郢客是也其制猶

古

奄止於上士抑其權也唐太宗詔內侍省不立三品官不任以事然內侍並列于六省開奄尹與政之階與周典統於冢宰異矣

八則禮俗以馭其民呂微仲謂庶民可參之以俗士以上專用禮此說非也大傳百志成故禮俗刑呂成公謂禮俗不可分為兩事制而用之謂之禮習而

安之謂之俗若禮自禮俗自俗不可謂之禮俗

王之膳服雖不會而九式有羞服之式冢宰所均飾

也待王之膳服不過以關市之賦則其用簡矣

司徒掌教不言財司馬掌政不言兵鄉遂九畿兵財

在其中井田封建足食足兵之本也周官之法不

行無善教善政於是憂財用畏夷狄矣

鄉有軍制無田制遂有田制無軍制

疏云鄭注玄見其義

大司徒建邦國以土圭土其地匠人建國畫參諸日

中之景夜考之極星詩定之方中傳云度日日出日

入以知東西南北準極以正南北愚按晏子




春秋景公新成柏寢之室使師開鼓琴師開左撫  
 宮右彈商曰室夕東方之聲薄西方之聲揚公召  
 大匠曰室何為夕大匠曰立室以宮矩為之於是  
 召司空曰立宮以城矩為之明日晏子朝公曰先  
 君太公立宮何為夕對曰古之立國南望南斗北  
 戴樞星彼安有朝夕哉而以今之夕者周之建國  
 國之西方以尊周也公曰古之臣乎樞星即極星  
 也公劉居豳既景廼岡然則尚矣

蔡邕明堂論曰王居明堂之禮南門稱門西門稱闈  
 故周官有門闈之學師氏教以三德守王門保氏

教以六藝守王闈然則師氏居東門南門保氏居  
 西門北門也朱子大學章句序王宮有學蓋謂此  
 魯孝公之為公子嘗入京師為國子入稱其孝宣  
 王命之導訓諸侯他書言國子者唯周語焉

師氏三德朱子曰至德以為道本明道先生以之敏  
 德以為行本司馬溫公以之孝德以知逆惡趙無  
 愧徐仲車之徒以之

牧誓顧命皆言師氏雲漢之傳曰年穀不登則師氏  
 弛其兵文王世子大司成注以為師氏而樛維師  
 氏以刺匪其人九兩師以賢得民注謂諸侯師氏





言賢者以身教也。后妃亦有之。葛覃云：言告師氏。保氏九數。鄭司農云：今有重差。夕祭句股釋文：夕音的。此二字非鄭注。愚按：少儀正義引鄭司農云：今有重差。句股馬融于寶等更云：今有夕祭。各為二篇。未知所出。則夕祭二字後人附益。非鄭注信矣。劉徽九章算經序云：包犧氏始畫八卦，作九九之術，以合六爻之變。黃帝建曆紀，協律呂，隸首作數。周公制禮，有九數九數之流。則九章是矣。漢張蒼、耿壽昌皆善算。因舊文刪補，故校其目與古或異。而所論多近語。

里宰以歲時合耦于耤。注云：耤者里宰治處也。若令街彈之室於此合耦，使相佐助。疏謂漢時在街置室，檢彈一里之民。金石錄有中平二年正月都鄉正街彈碑在昆陽城中。趙明誠失於攷禮注，而鄴氏注水經洪氏隸釋皆以街為衛，又誤矣。漢食貨志言古制云：春將出，民里胥平且坐於右塾，鄰長坐於左塾，畢出，然沒歸夕，亦如之。里胥之塾，其即里宰所謂耤者歟。

庖人注：青州之蟹胥。

釋文：胥，息徐反。刈，音素。字林：先於反。蟹，醬也。

集韻：蟹。

蟹盃四夜切。

當從集韻。

邊人注：鱸者析乾之出，東海陸



廣微吳地記云闔閭思海魚而難於生致治生魚  
鹽漬而日乾之故名爲煮讀爲

管子地員篇九州之土爲九十物每土有常而物有次  
群土之長是唯五粟次曰五沃次曰五位次曰五  
蔭次曰五壤次曰五浮凡上土三十物種十二物  
中土曰五忒次曰五纒次曰五盤次曰五剽次曰  
五沙次曰五塉凡中土三十物種十二物下土曰  
五猶次曰五強次曰五殖次曰五穀次曰五鳧次  
曰五桀凡下土三十物種十二物凡土物九十其  
種三十六按大司徒以土會之法辨五地之物生

以土宜之法辨十二壤之物而知其種此篇亦古  
制之存者河圖謂東南神州曰晨土正南邛州曰  
深土西南戎州曰滔土正西兪州曰丹土正中冀  
州曰白土西北枉州曰肥土北方玄州曰成土東  
北咸州曰隱土正東揚州曰信土

地員篇凡艸土之道各有穀造或高或下各有艸土  
葉下於鬢鬢下於莧莧下於蒲蒲下於菁菁下於  
藿藿下於萋萋下於芥芥下於蕭蕭下於薜薜下  
於桂桂下於茅凡彼艸物有十二衰注鬢即鬱也  
衰謂艸上下

相車也按周官有艸人此豈其遺制歟



土圭度地之法景一寸地差千里一分地差百里  
王畿千里以寸爲法五等諸侯之地以分爲法尺  
有五寸者一万五千里之景也天地相去三万里  
嘗攷隋唐志宋元嘉十九年測於交州何承天謂  
六百里差一寸後魏永平元年測於洛陽信都芳  
謂二百五十里差一寸然宋之於陽城魏之於金  
陵皆踰度未可據也唐開元十一年植表浚儀大  
率五百二十六里二百七十步差二寸餘遂以舊  
說千里一寸爲妄王朴曰陽城乃在洛之東偏開  
元得浚儀之奇臺應南北或居  
地之中司馬公日景圖云日行黃道每歲有差地中

當隋而轉移故周在洛邑漢在潁川陽城唐在汴  
州浚儀潘水李氏云周於陽城測景說者謂地形  
西北高東南下極星在北斗亦在北極星乃天之  
中也天之中則地之中

諸公之地方五百里與武成孟子之言不合子產曰  
列國一同孟子亦曰魯方百里明堂位乃云魯方  
七百里或謂周官明堂位兼附庸而言職方氏疏  
云無功縱是公爵惟守百里地謂若虞公虢公舊  
是殷之公至周仍守百里國以無功故也愚按左  
氏傳虞仲太王之昭也虢仲虢叔王季之穆也皆



周所封謂舊是殷之公誤矣

歲終正治而致事注上其計簿疏云漢時考吏謂之計吏今按說苑晏子治東阿三年景公召而數之明年上計景公迎而賀之韓子外儲說西門豹為鄴令居期年上計君收其璽新序魏文侯東陽上計錢布十倍史記秦昭王召王稽拜為河東守三歲不上計然則春秋戰國時已有上計非始于漢朱文公曰讀曹公杜牧孫子見其所論車乘人數諸儒皆所謂言唯蔡季通每論此事以考周禮軍制皆合愚按孫子作戰篇凡用兵之法馳車千駟革

車千乘帶甲十萬曹公注馳車輕車也杜牧注輕車戰車也古者車戰革車輜車重車也載器械財貨衣裝司馬法曰一車甲士三人步卒七十二人炊家子十人固守衣裝五人廐養五人樵汲五人輕車七十五人重車二十五人故二乘兼一百人為一隊舉十方之衆革車千乘校其費用支計則百方之衆皆可知也左氏傳乙卯楚師軍於邲丙辰楚重至於邲呂成公謂凡戰兵車在前輜重常在兵車之後楚重次日乃至後一日故無鈿擊之患唐說齋云儒者謂旬出七十五人不知實出百



人其七十五人戰車也其二十五人車車也

古者步百為畝古之百畝為今四十一畝一百六十步古之一井為今二百七十五畝竇嚴曰小畝步百周之制也中畝二百四十漢之制也太畝三百六十齊之制也今所用者濊之中畝鹽鐵論御史曰古者制田百步為畝先帝哀憐百姓制田二百四十步而一畝通典謂商鞅佐秦以為地利不盡更以二百四十步為畝二說不同

禹貢之田九等為掩別楚地亦九等孟子王制為五等而周官止三等解者謂大司徒不易一易再易

三等都鄙之制也小司徒上中下地三等六鄉之制也遂人上中下地三等有萊者六遂之制也太司馬上中下地三等諸侯之制也

遂人治野乃鄉遂公邑之制匠人溝洫乃采地之制鄭康成云周制畿內用夏之貢法稅夫無公田邦國用殷之助法制公田不稅夫朱文公亦云溝洫以十為數井田以九為數井田溝洫決不可合而永嘉諸儒欲混為一康成注分為二是也愚按李泰伯平土書云周畿內及諸侯一用貢法蓋泰伯已與康成異矣非始於永嘉諸儒也劉氏中義以





匠人溝洫求谷乎遂人治野之制謂遂人言積數  
匠人言方濶然周禮考土各為一書易氏謂匠人  
前代之制

禹盡力乎溝洫濬畎澮距川遂人五溝五涂之制因  
于古也以水佐耕者豐稻人掌之以水佐守者固  
司險掌之自鄉遂之法弛于駟為田洫而喪田者  
以為怨子產作封洫而伍田疇以為謗晉欲使齊  
盡東其畝而戎車是利甚而兩周爭東西之流至  
商鞅決裂阡陌呂政決通川防古制蕩然矣古者  
內為田廬外為溝洫在易之師寓兵於農伏險於

順取<sub>レ</sub>下坎上坤之象溝洫之成自禹至周非一人  
之力溝洫之壞自周衰至秦非一日之積先儒謂  
井田壞而戎馬入中國如入無人之境悲夫

人耦牛耦鄭氏注合耦並言之疏謂周時未有牛耦  
耕至漢趙過始教民牛耕今考山海經后稷之孫  
叔均始作牛耕周益公云孔子有犁牛之言冉耕  
亦字伯牛賈誼書新序載鄒穆公曰百姓飽牛而  
畊月令季冬出土牛示農耕早晚何待趙過特  
教入耦犁費省而功倍爾

鹽鹽引池而化山海經鹽販之澤穆天子傳至于鹽



晉郇瑕氏之地而猗頓用是起者也散鹽者煮水而成夏書青州之貢職方幽州之利齊之渠展燕之遼東而宿沙初作者也形鹽物地以出之周公閱所云鹽虎形也飴鹽於戎以取之伊尹所云和之羨者大夏之鹽也後周四鹽之政倣此古者川澤之饒與民共之自海王之篇析望之守作備于齊至漢二十倍於古攷之漢志鹽官三十有五唐有鹽之縣一百五本朝鹽所出者十二路為池二為鹽七為場二十二為井六百有九法益詳而利無遺矣

玩物喪志召公以為戒凡武貢之餘財以共玩好之用恐非周公之典無逸曰惟正之供

外府注泉始蓋一品周景王鑄大泉而有二品常昭注周語曰單穆公云古者有母乎子子權母而行然則二品之來古而然矣

古者以射御為藝孔子曰執射乎執御乎詩曰叔善射忌又良御忌四黃既駕兩駮不猗御之善也不矢其馳舍矢如破射之善也學射者多矣造父之師秦豆氏尹需之習秋駕皆學御者也說苑謂御者使人恭射者使人端亦正心修身之法






貨賄用璽節注今之印章也司市注云如今斗檢封  
 職金云揭而璽之左傳季武子使公冶問璽書追  
 而與之戰國策欲璽者段于子也蔡邕獨斷云古  
 者尊卑共用之衛宏云秦以來天子為璽又獨以  
 玉為之臣下莫敢用唐又改璽為寶五代史臣曰  
傳授神器遂古無聞運斗樞曰舜為天子  
子黃龍負璽世本日魯昭公始作璽  
 司門正其貨賄正者禁其淫侈而歸于正也注讀為  
 征非是  
 迹人春秋末宋猶有是官左氏哀十四年傳迹人來  
 告曰逢澤有介麋焉

司祿闕孟子云諸侯惡其害已也而皆去其籍趙氏  
 注今周禮司祿之官無其職是諸侯皆去之故不  
 復存

稿人注今司徒府中有百官朝會之殿後漢蔡邕集  
 所載百官會府宮殿下者也古天子之堂未名曰  
 殿說苑魏文侯御廩灾素服辟正殿五日莊子說  
 劍云入殿門不趨盖戰國始有是名燕禮注當東  
 甯者人君為殿屋也疏謂漢時殿屋四向流水舉  
 漢以况周然漢黃霸傳先上殿注謂丞相所坐屋  
 古者屋之高嚴通呼為殿不必宮中也





太宗伯疏星備云五星初起牽牛歲星一日行十二分度之一十二歲而周天熒惑日行三十三分度之一三十三歲而周天鎮星日行二十八分度之一二十八歲而周天太白日行八分度之一八歲而周天辰星日行一度一歲而周天馮相氏疏星備云明王在上則日月五星皆乘黃道保章氏疏星備云五星更王相休廢其色不同王則光芒相則內實休則光芒無角不動搖廢則少光色順四時其國皆當也星備之書備見於此隋唐志皆不著錄

周五禮之別三十有六唐五禮之儀一百五十有二唐志云自梁以來始以當時所行傳於周官五禮之名各立一家之學

九磬之舞注云當為大磬愚謂九磬之名尚矣不必改字說苑孔子至齊郭門之外遇一嬰兒挈一壺相與俱行其視精其心正其行端孔子謂御曰趣驅之趣驅之韶樂方作孔子至彼聞韶三月不知肉味齊景公作徵招角招蓋舜樂之存者劉原父云九招者九名予識其三焉析徵角之謂也山海經夏后開得九辨九歌以下始歌九招於大穆之



野帝王世紀啓并后十年舞九韶竹書曰夏后史記禹乃興九招之樂索隱曰即舜樂簫韶九成艾軒謂勸之以九歌即九招之樂呂氏春秋帝嚳命咸黑作為舞聲歌九招六列六英帝舜命質修九招六列六英以明帝德然則九招作於帝嚳之時舜修而用之秦惟韶武樂存

班固律歷志述劉歆之言以律為下生呂為上生鄭康成以黃鍾三律為下生以蕤賓三律為上生梁武帝鍾律緯謂班固夾鍾中呂過於無調鄭康成有分陽而無降陽陳用之禮書謂自子午以左皆

上生子午以右皆下生以鄭說為是張文饒翼元曰十二月之律以候月六十日之律以候日月律當一一下上依次而生日律當用蕤賓重上生司馬遷劉歆之法月律也呂不韋淮南京房之法日律也晉志取司馬而非淮南梁武是京房而非班固皆非誦論

大卜三兆其頌皆千有二百夏后鑄鼎絲曰逢逢白雲一南一北一西一東九鼎既成遷于三國懿氏占曰鳳凰于飛和鳴鏘鏘有媿之後將育于姜成季卜曰間于兩社為公室輔驪姬繇曰專之渝攘



公之黜一薰一蕕十年尚猶有臭衛侯繇曰如魚  
窺尾衡流而方羊裔焉漢文毛曰大橫庚庚余為  
天王夏啓以光皆龜繇也

卜師四兆鄭氏鑄以理推之謂方毛占四方之事也  
漢武帝發易占知神馬從西北來功毛占立功之  
事也楚司馬子魚上戰令龜義兆占行義之事也  
惠伯曰忠信之事則可弓毛有射意後世有覆射  
之法

龜人六龜易十朋之龜爾雅唐六典辨龜九類五色  
依四時用也

列子夢有六侯與古夢同噩作噩東坡曰高宗言夢  
文王武王言夢孔子亦言夢其情性治其夢不亂  
西山曰正夢不緣感而得餘皆感也

太祝九祭九曰共祭注曰共猶授也王祭食宰夫授  
祭孝經說曰共綏執授疏云孝經說孝經緯文共  
綏執授謂將綏祭之時共此綏祭以授尸愚謂疏  
謂綏祭非也後漢禮儀志注孝經接神契曰尊三  
老者父象也謁者奉几安車輶輪供綏執授宋均  
曰供綏三老就車天子親執綏授之永平二年養  
老詔亦有安車輶輪供綏執授之語蓋取孝經緯





鄭司農注肅擗但俯下手今時擗是也項氏云古之拜如今之揖折腰而已介冑之士不拜故以肅為禮以其不可折腰也其儀特斂手向身微作曲勢此正今時婦人揖禮也漢時婦人之拜不過如此或謂自唐武氏始尊婦人不令拜伏誤矣周天元令婦人拜天臺作男子拜則雖屬俗婦人亦不作男子拜也內則尚右手者言斂手右向非若今用手按膝作跪也男之尚左亦然今考太祖問趙普而婦人亦跪也唐武后時婦人始拜而長跪問故夫出對曰唐張建章渤海記備言之

眠棧掌十輝之法占日旁之氣也二鄭解其同者六其異者四大卜掌三夢之法其經運十其別九十謂占夢之正法有十也一運而九變十運而九十變注以經運為十輝先儒謂日之輝光夢之變通其占不同不當改運為輝

大史正歲年以序事注中數曰歲朔數曰年中數三百六十五日四分日之一朔數三百五十四日漢歷志曰閏所以正中朔也或謂周以建子為正而四時之事有用夏正建寅者用建寅則謂之歲用建子則謂之年洪範正義從冬至及明年冬至為一歲





馮相氏致日致月注冬至日在牽牛景丈三尺夏至日在東井景尺五寸此長短之極春分日在婁秋分日在角而月弦於牽牛東井左氏傳日月之行分同道也至相過也正義云春分朔則日在婁望則月在角秋分朔在角望在婁婁角天之中道故晝夜等冬至朔則日在斗望則月在井夏至朔在井望在斗斗井南北故晝夜長短極冬至古日在牽牛今在斗鄭注與孔疏異歷法歲差也保章氏星土按乙巳占論十二次云北方之宿主吳越火午之辰在周邦天度均列而分野殊別一次

所主或曰萬里跨數州或於襄內不布一郡國語歲在鶉火有周之分野今豐部當秦宿而周分隸豫州理實難詳至如熒惑守心宋景濂其咎實沈為巢晉侯受其殃事驗時有相應賈公彥謂吳越在南齊魯在東今歲星或北或西不依國地所在此受封之日歲星所在之辰國屬焉故也或云十一次可言者一其惟析木乎尾箕良維燕可以言東北卜有二歲注歲星為陽右行於天太歲為陰左行於地十一歲而小周滴水云歲星在天歲陰在地天官書曰歲陰在攝提格歲星在星紀歲陰在單閼





歲星在<sub>二</sub>亥<sub>一</sub>按自嘉祐丁酉驗之多差近年尤甚歲星常先<sub>二</sub>月餘<sub>一</sub>近年以來常先<sub>二</sub>一百二十餘日<sub>一</sub>愚者大衍曆議曰歲星自商周迄春秋之季率百二十餘年而超<sub>二</sub>一次<sub>一</sub>戰國後其行寢急至漢尚微差及哀平間餘勢乃盡更八十四年而超<sub>二</sub>一次<sub>一</sub>三山陳氏謂如左氏之說則寅而在卯午而在亥如史記之說則寅而在丑辰而在亥以次推之皆不同汲冢師春謂歲星每歲而成<sub>二</sub>一分<sub>一</sub>積百四十四年而滿本數則為超辰之限

外史達書名鄭康成謂古且名今且字

字者滋也聘禮記云百各

以上書於策不  
及百各書於方王文公云文者奇偶剛柔雜比以相承如天地之文故謂之文字者始於一而生於無窮如母之字字故謂之字夾深謂獨體為文合體為字主類為母從類為子六書象形指事文也會意諧聲轉注字也假借者文與字也諧聲與五書同出五書尚義諧聲尚聲說文形也以母統子廣韻聲也以子該母字書眼學韻書耳學中庸或問曰司徒教民書居其一外史達書名於四方大行人又九歲一諭焉其制度之詳如此秦以小篆隸書為法而周制始改



鑄師注引春秋傳賓將趨今左傳作扱環人注引御  
下柄馬今作兩職方氏注引國語闡芋蠻矣今作  
蠻芋

司燿鄭司農引鄒子與論語馬融引周書月令同春

榆柳之火夏取棗杏李夏取桑拓秋取柞楸冬取槐檀王邵曰周官四時變

火以救時疾火不數變疾必興聖人作法豈徒然

也晉時有以洛陽火度江者代代事之相續不滅

火色變青東漢禮儀志曰夏至浚井改水日冬至

鑽燧改火改水唯見於此

水有疏導火有出納山林金錫之地皆為之厲禁時

而用之先王財成輔相之妙也鹽鐵論大夫曰五

行東方木而丹章有金銅之山南方火而交趾有

大海之川西方金而蜀隴有名材之林北方水而

幽都有積沙之地此天地所以均有無通萬物也

管子出銅之山四百六十七出鐵之山三千六百

九唐六典天下水泉三億二萬三千五百五十有

九

漏刻之法晝夜百刻易氏云十二時每時八刻二十

分每刻六十分王昭禹云寅申巳亥子午卯酉八

時各八刻辰戌丑未四時各九刻愚謂易氏之說



與古法合司寤氏掌夜時注謂夜晚早若今甲乙  
至戌疏云甲乙則早時戌亥則晚時愚按衛宏漢  
舊儀中黃門持五夜甲乙丙丁戊夜今謂之五更  
疏以戌為戌誤矣馬融以昏明為限鄭康成以日  
出入為限有五刻之差蔡邕以星見為夜日入後  
三刻日出前三刻皆屬晝鄭與蔡校一刻王伯照  
云晝夜長短以岳臺為定九服之地與岳臺不同  
則易箭之日亦皆少差  
職方氏漢樊毅修西岳廟記作職方氏史通云周書  
職方之言與周官無異

兗州其浸盧維注云當為雷雍字誤也顏師古曰盧  
水在濟北盧縣說文維水出琅邪箕屋山東入海  
徐州浸夏書維淄其道鄭說非也

王有三朝一曰治朝在路門之外宰夫司士掌之二  
曰燕朝在路門之內太僕掌之三曰外朝在皋門  
之內庫門之外朝士掌之外朝二唐六典承天門  
古之外朝太極殿古之中朝兩儀殿古之內朝  
鄭康成因尤氏三辰旂旗之文謂王與公同服九章  
之充攷之經無所見司服云公自衮冕而下如王之  
之服則充冕而上之章日月星辰也冕十二旒取



法天數豈同服九章無君臣之別哉郊特牲王被衾以象天注謂有日月星辰之章此魯禮也豈有周服九章而魯乃服十二章者乎漢明帝采周官禮記尚書皋陶篇乘輿服從歐陽氏說備十二章得古制矣

五刑之灋疏謂官刑至隋乃赦崔浩漢律序文帝除肉刑而官不易書正義隋開皇之初始除官刑按通鑑西魏大統十三年三月除官刑非隋也孫君孚談圃謂周官贛牛耳荆公言取其順聽不知牛有耳而無竅本以鼻聽有人引一牛與荆公辨

今按周禮義云牛耳尸盟者所執無順聽之說蓋荆公聞而知之

萍氏幾酒猶妹土之誥也禹惡旨酒易未濟之終以濫首為戒曷嘗導民以飲而罔其利哉初權酒酤書於漢武紀其流害万世甚於魯之初稅畝

大戴記朝事篇取周官典命大行人朱子儀禮經傳以為朝事義

考工記貉踰汶則死先儒以汶為魯之汶水列子釋文云按史記汶與嶧同謂汶江也今江邊人云狐不渡江說文貉狐類也踰越大水則傷本性

困學紀聞

卷四

二十三





有虞氏上陶舜陶河濱器不苦窳周陶正猶以虞闕  
父為之

周人上輿中庸或問軌車之轍迹輿之廣六尺六寸

其轍迹在地者相距之間廣狹如一無有遠適莫

不齊同至秦然後車以六尺為度

輪人注掣讀為紛容掣參之掣疏云今檢未得愚謂

即上林賦紛落蒨蒨

治民注鉗讀如麥秀鉗之鉗表記注移讀如禾祀移

之後六字未知出何書疏不釋其義或者農書所  
載歟移昌  
氏反

潘水云泉氏為量鄭玄以方尺積千寸此乃九章米

粟法其家舊有一古銅敦乃周成王時物耳人侵

危命正人出師復扈邦賜有功師氏而數亦皆備

嘉量之銘祭侯之辭皆極文章之妙而梓人筍虛之

制文法奇古有飛動之狀蓋精於道者兼物物而

後能制器莊子謂梓慶削木為鐻鐻成見者驚猶


鬼神以天合天道與藝俱化豈物物刻彫之哉

大戴記投壺篇云嗟爾不庭侯為爾不朝于王所故

亢而射女強食爾曾孫侯氏百福此祭侯之辭  
也與梓人同而略異  
長弘設射不來不來者  
謂侯之不來朝者也  
侯者

樊入戴  
三按蓋  
篇名亦  
才當後  
云云

困學紀聞





射塚也。因祭寓意以為諸侯之戒。

司儀問君君問大夫君勞客注云問君曰君不恙乎對曰使臣之來寡君命臣于庭問大夫曰二三子不恙乎對曰寡君命使臣于庭二三子皆在勞客曰道路悠遠客甚勞勞介則曰二三子甚勞疏云未知所出何文或云是孔子聘問之辭亦未得其實愚案說苑魏太子擊封中山遣倉唐使於文侯文侯召倉唐見之曰擊無恙乎倉唐曰唯唯如是者三乃曰君出太子而封之國君名之非禮也文侯怵然變容問曰子之君無恙乎倉唐曰臣來時

拜送書於庭鄭氏所述蓋古禮也

本行人注亦云問不恙

周禮劉向未校之前有古文校後為今文古今不同鄭據今文注故云故書朱子曰八法八則三易三兆之類各有書屬民讀法其法不可知如戰之陳其陳法不可見矣

冥氏注鄭司農云讀為冥氏春秋之冥按儒林傳冥都傳顏氏春秋之學疏謂若晏子呂氏之類非也王肅聖證論譏短鄭康成謂天體無二郊丘為一禘是五年大祭先祖非園丘及郊祖功宗德是不毀之名非配食明堂皆有切於禮學先儒聽之聖證



論今不傳正義僅見一二唐禮志曰識緇亂經鄭  
 玄主其說以禋祀祀昊天上帝此天也玄以為天  
 皇大帝者北辰耀魄寶也兆五帝於四郊此五行  
 精氣之神也玄以為靈威仰赤熛怒含樞紐白招  
 拒汁光紀者五天也由是有六天之說顯慶二年  
 禮官議六天出緇書南郊圓社一也玄以為二郊  
 及明堂祭天而玄以為祭太微五帝啓蟄而郊郊  
 而後耕而玄謂周祭感帝靈威仰配以后稷因而  
 祈穀皆謬論也

古未有筆以書刀刻字於方策謂之削魯為詩書之

國故考工記以魯之削為良

沙隨程氏曰禹貢冀州之北不可畫五服之地周官  
 雍州之西不可畫九畿之地

師氏使其屬帥四夷之隸各以其兵服守王之門外  
 司隸帥四翟之隸使皆服其邦服執其邦兵守王  
 宮唐太宗擒頡利其酋長帶刀宿衛亦古制也然  
 結社率之變幾至危殆蓋先王德化之盛非太宗  
 所能及慕冠帶百蠻之名而不虞後患孟子曰以  
 力服人者非心服也

遂師抱磨音歷史記樂毅書故鼎反乎磨堂徐廣注

按周禮  
皆字上  
有之字





磨歷也戰國策新序作歷室蓋古字通用

大史大師抱天時注云大出師則大史主抱式以知天時史記日者傳旋式正棊唐六典大卜令三式曰雷公太一六壬其局以楓木為天棊心為地六壬之說許叔重曰水者準也生數一成數五以水數配之為六壬也遁甲者推六甲之陰而隱遁也本黃帝風后之術孤虛者一畫為孤無畫為虛二畫為實以六十甲子定四方占其孤虛實而向背之

吳越春秋計規曰孤虛謂天門地戶也

鄭剛忠解義如冕服九章授田三等治兵大閱旗物

之互建六鄉六遂師都之異名陰陽之祀有用牲之疑九畿之國有朝貢之惑豆區鍾釜有少之

差世室重屋非明堂之制皆辨明使有條理

古者國有間田田有餘夫夫有間民民有羨卒不盡其財力也至秦而自實田至漢而覈墾田至隋而閱丁口至唐而括逃戶隱田於是財殫力盡民無樂生之心矣

取士之制其塗有三諸侯三年一貢士侯國之士也卿大夫興賢能王畿之士也大司樂教國子國之貴游子弟也



16683

困學紀聞

卷四

二十

漆林之征二十而五漆以飾器用而已舜造漆器群  
臣咸諫防奢靡之原也種漆成林重其征所以抑  
末而返樸也


困學紀聞卷之四終

困學紀聞卷之四終



862  
15  
15





国立国会図書館 タイトル『困學紀聞20卷』 請求記号 862-15

ガラス使用